

He Ngohe Aromatawai ā-Roto Mō ngā mahi whakamahere anake

Te Ingoa o te Ngohe: Torotoro Mai!

Aronga: Pūtaiao 1.2B

Paerewa Paetae: 1.2 Te whakahāngai i te mātauranga pūtaiao ki tētahi kaupapa taiao e ora ai a Papatūānuku rāua ko Ranginui mō anamata

Kaupae: 1

Whiwhinga: 5

He Tohutohu mā te Ākonga

I tēnei ngohe

I tēnei ngohe, ko tāu mahi he tuku i tētahi pūrongo matihiko e pā ana ki tētahi kaupapa whakarauora taiao o anamata kua whakatewhatewhangia e koe mā roto mai i te mātauranga pūtaiao.

Te horopaki

Hei tēnei aromatawai, ka whakaaturia tētahi pūrongo matihiko mō tētahi kaupapa whakarauora taiao o anamata kua whakatewhatewhangia e koe. Ka kawe koe i tō whakatewhatewha kia puta ai ngā taipitopito mahi kua oti i a koe me ngā hua kua puta i tō whakatewhatewha. Me āta whakatewhatewha i tētahi/ētahi panonitanga rānei o te taiao mā roto mai i te mātauranga pūtaiao.

Ka aromatawaitia koe i runga anō i tō kaha ki te āta kōrero i ngā mahi kua oti i a koe roto i tō whakatewhatewha, te whakaatu i te pūtake o tō whai i tēnei huarahi whakatewhatewha, me te whakaatu hoki i ngā hua i puta i tō whakatewhatewha.

Hei mahi

1. Tautohua tētahi taiao o tō wāhi noho kia whakatewhatewhangia e koe.
2. Ka whakamārama i te hiranga o tēnei taiao ki a koe.
3. Ka whakatewhatewha i te taiao. Ka kōrero e pā ana ki ngā taipitopito mahi i oti i a koe i roto i tēnei whakatewhatewha, ā, me uru hoki i ngā

taputapu i whakamahia e koe. Mātua rā, me whakatakoto i ia wāhanga o tō whakatewhatewha, e mārama ai te kite i ngā mahi katoa i oti i a koe.

4. Ka whakamārama i te pūtake o tō whai i tēnei huarahi whakatewhatewha.
5. Ka aromatawaitia koe i runga anō i tō kaha ki te whakamārama i tō whakatewhatewha me te whakaatu i tō whai i te mātauranga pūtaiao hei ārahi i tō whakatewhatewha, me te hononga o ngā hua i puta ki te mātauranga pūtaiao.

Ngā mahi hei tāpae

Ko tāu mahi he tuku i tētahi pūrongo matihiko kia roa ake i te 20 meneti.

Rauemi

<https://www.sciencelearn.org.nz/collections/shared/0935ddd7fc198098873d9b0dc52a93d3>

<https://www.sciencelearn.org.nz/topics/citizen-science>

<https://www.sciencelearn.org.nz/concepts/biodiversity>

https://www.sciencelearn.org.nz/image_maps/111-ways-of-investigating-in-science

Kuputaka

whakatewhatewha	investigate, investigation
huarahi whakatewhatewha	path of investigation
taputapu	equipment